



豈不懿與是爲序

時

中華民國十八年己巳歲孟冬月下浣穀旦

闔族公撰





目錄

卷一

新敍

目錄

小引

凡例

任事名目

領譜字號

顯謨贈序

自序 閻族公撰



家譜序 簡文撰

源流序 維翰撰

聯屬序 中和撰

族上歷傳

班次

老譜引

老凡例

家規

戒賭博

著姓氏



原宗法

錄規式

備要領

墨譜序

輔週譔

續譜引

續譜凡例

簪纓考

前清勅命

讚詞

甲辰任事名目



捐序

捐名

壬戌任事名目

捐序

捐名

甲辰領譜字號

壬戌領譜字號

清明祭會敘

六房祭序

應科公 朝琮



朝瓊

九皋

應明公

國璘

容一

漢一

周書

楚書

國書

信書

云書

輝武

良武

順武

跋

福田合修譜引

寶慶管業證據



卷二

祠堂記

祠堂圖

陳設圖

五服圖

祭禮并文

祠堂契

寶慶墳山圖

大房墳山圖

二房墳山圖



三房墳山圖

四房墳山圖

五房墳山圖

六房墳山圖

卷三

西昌紀畧二十一派至昇派

南楚昇派至興派

大房應派至宗派

二房應派至代派

三房應派至朝派

卷

五  
四

四房應派至基派

五房應派至世派

卷

七  
六

六房應派至萬派



小引

嘗攷修譜之例遵三十年一小修六十年一大修  
逾期爲不孝我族譜牒始修於清乾隆繼修於同  
治自同治迄今近七十年矣其逾期爲何如苟猶  
因循不前年愈湮而代愈遠其中生沒葬址遷徙  
郡邑茫然其不知將何從而明其底蘊哉幸我族  
衆共懷仁孝今春禴祭決議舉行是以特疏小引  
敬告各房首創草以修墨後登梓以垂青生沒詳  
其干支葬向明其地址淵源可溯幸無異脈亂宗  
本末同根甚勿途人相視計丁口而派費集腋成

裘合子姓以籌捐眾擎易舉同心合志不難指日以告成收族敬宗是在孝思之共展斯舉也不獨生者之屬望維殷而沒者必默相於無既耳

凡例

一本源宜溯也我族自興富公開支以來數百年承承繼繼歷有成書遵守舊章甚勿混同僭越以昭敬宗

一譜式宜遵舊也舊法遵蘇一律直系我族從仕派起次序排列甚勿以尊易卑以幼易長當昭慎重一忌諱宜避也卑宜避尊生宜避沒不可任意字名

致干混淆

一夫婦宜並提也未娶書聘既娶書配繼書繼配妾書側室女已嫁者書適未嫁者書未字一成不易各如其分也

一撫子承祧宜清源也於承繼父母下註撫某第幾子明所出也本生父母下註明第幾子出撫某著所往也撫養外姓者註義子免亂宗也隨母來者不錄彼有可歸之宗也若隨母出繼異姓亦錄其年者爲異日歸宗計也

一墳墓宜詳載也妻從夫曰合卑從尊曰耐都邑地

名山向俱宜細詳以爲後日根據

一墨冊宜細校也倘有錯訛遺漏責有攸歸不與纂相干行修查錄遠丁者亦然

一壽文傳贊節孝宜紀其實也甚勿盜其虛名希圖溢美

一譜旣成閣族統計一十八冊每冊七部毛譜兩冊切千字文徧號頒發各房領收務宜慎重毋得損失虫傷鼠咬

一丁費圖費領譜費各費各房擔負每丁收錢一千文每圖收洋五角譜費收洋兩圓正均繳局開支

其餘虧款暫由我四六兩房津貼下屆不得泥爲  
陳例

以上各條均照時例倘有未及備載者均照老譜  
登修毋庸議及望祈族眾勉力共襄以昭誠敬

任事名目

主修 馥蘭 藻秋

倡修 海棠 文明

纂修 翰卿 清霖

監修 星城 春生

庶務 明德 菊雲



校閱 振鴻 風江

房修 桂齋 海南 桂堂 崇仁 瑞齋

高山 少卿 瑞香 錫春 書良

宗祥

行修 振鐸 立成 茂林 福德

戶首 藻秋

文聲

房長 明德

菊雲

領譜字號

甲字號

毛譜

第字號

毛譜

登字號

祠堂族首領

天字號

大房振鐸兄弟領

府字號

二房

公領

洪字號

四房經理領

休字號

育才公經理領

顯字號

六房經理領

列字號

卓書公經理領

星字號

再書公藻秋領

崇字號 樂公領

仁字號 楚公經理領

新字號 國公經理領

大字號 海雲領

壽字號 容一公桂堂領

富字號 得益領

貴字號 英傑公榮華領

享字號 瑞香領

遐字號 文明領

齡字號 風江領

民國己巳三修續譜捐錄於後

大房

應祖公

捐光洋貳拾圓正

二房

應宗公

捐光洋貳拾圓正

四房

應科公

捐光洋玖拾圓正

應科後裔九舉公

捐光洋壹拾圓正

六房

應明公

捐光洋陸拾圓正



應明後裔漢一公

捐光洋貳拾圓正

應明後裔遺囑信書公

捐光洋貳拾圓正



舊敘

山發跡于崑崙而磅礴蜿蜒不知其幾千萬峯也  
河發源于星宿而淵淪洲漫不知其幾千萬水也  
我譚氏肇自三進繩繼數千年蕃亘數千里今雖  
居趾互異譜帙各殊而探其本類皆十八宏嫡派  
矧甯湘密邇氣誼潛通又烏可以岐而視乎咸豐  
丁巳謨領鄉薦明年春始詣三埠橋祀祖族先  
達呈閱老譜併墨稿愈悉湘祖坎元甯祖世  
勩一脈之流傳豈數典而或忘耶今歲壬子囑序  
於謨曰余家乘自乾隆甲辰續修迄今歷朝五歷

世六厯年垂八十矣不謀再修敬 宗收族之謂  
何謨 深避諸公之好義不讓美前賢也爰編撰而  
付諸剞劂久之目涉源流見其圖邱墓祭掃慎焉  
詳仕籍簪纓著焉分昭穆尊卑序焉識忌諱 功  
令遵焉式蘇法而見費則又省焉家乘之修全倡  
義舉仁人孝子之用心油然而藹然可嘉尙已行見  
書香發越繩武先型掇巍科膺高爵以是卜 貴  
房之方輿未有艾也吾聞大木之撐天也一幹之  
甦也鵬翼之圖南也片羽之翺也楚南古多望族  
天鍾地毓歷久而大發其奇翼軫光華昱七熊熊

南衡秀英何始何終 貴房斯舉上迪前光下垂  
後嗣懿乎爍哉 先澤之流長人文之彪炳謨烏  
能測其所竟

大清同治元年壬戌季冬穀旦

咸豐乙卯科舉人己未科會試揀選一等卽任縣  
正堂 族愚弟顯謨丕齋氏頓首拜贈

自敘

嘗讀敬其所尊愛其所親事死如事生事亡如事  
存之言乃知家乘之輯正以統尊親生死存亡之  
全者也我上湘譚氏自 乾隆甲辰族簡文岐山



維翰紹尼諸公續修譜牒遠溯 脈祖國器公派  
衍西昌 共祖學林公 少祖景河公基開南楚  
逮 本祖興富公自邵來湘占籍十六都三埠橋  
板山及甯邑黃才龍陽等處數百里之間類皆發  
祥於邵邑之麒麟山也至今觀其譜端題曰綿歷  
本本源源甚周詳焉其盡誠致敬于尊親生死存  
亡者前人固已開其先也余等迪前人光歷今七  
十餘年矣苟繼述有所未善則事志徒存空願  
咸豐甲寅春協族發引越七年丁巳墨冊落成限  
祠費無饒兼以兵氛今幸時際文明捐貲費法蘇

式免歐圖壽梨棗不數月而落成書曰嗣前人恭明德願族人尊祖宗彝訓尙雍睦淳風以祖宗之心爲心以祖宗之行爲行一體視無間言詩所謂孝思不匱永錫爾類其卽敬尊愛親事生事亡之謂歟在今日旣共勉爲尊祖敬宗收族之嗣孫在他年必更爲光宗耀祖榮身之孝子本支斯舉迪前人光于無窮也後之覽者亦將有感于斯序

合族公撰

乾隆甲辰家譜序

且舉已往之制作精神歷千百年後不與悠悠之

世而俱泯者不恃有老成之傳聞卽恃有無言之  
載籍將前之作者一二人而後之述者得以遞相  
傳焉於無替其所關誠非細故矣何則世非先人  
之世而能遙接其休光亦若早闢其途以畱斯人  
之一脈而遙知乎繼此之迫而赴者自有人也又  
若嚴核其實以存不孤之一綫而逆計乎嗣是之  
兼而備者更有人也夫乃知殫修輯之勞於前者  
自不容不續於後也稽我譚氏系出宏農由唐而  
宋而元而明代相編次卜居湘地歷有成書不使  
後有述者至泯然無所折衷無非英賢間出迭相

維持於是耳濡目染之餘得以循厥途而核厥實  
世代雖殊而祖功宗德較若列眉按勅譜以來文  
足徵而傳足信千百年後得髣髴衣冠俎豆之旁  
遙相告語則家乘之藉於修而尤藉於續者不甚  
殷歟我族自歷朝請命勅輯迄我大清百餘年  
矣雖其間金玉交輝後先濟美念待詔於門下玉  
樹咸仰秋風盼桃浪於雷中魚尾共期春水輔君  
致治爲求賢者譜中備載其名無如待請續修卒  
同晦迹傾囊告澁徒付空言有志難成率皆類是  
雖然譜乃繼往開來果可聽諸難成乎哉使繼此

不率諸有志士雖前勅譜世蹟昭垂不與時爲湮  
沒但過此而在時勢揆隔系派難免支離簡固不  
敏謬膺家政有年幸我族踴躍從事者甚眾不以  
事之湮與費之浩而蒙難色且弟效尼姪岐山維  
翰中和等用意詩書細加考信補其殘闕序其世  
系及而無毫髮之混淆簡正襟捧讀不禁神馳百  
世殫心竭力思共勦厥舉哉幸今不二載而譜告  
成矣計字十二萬零四百刷譜五十冊併誌諸此  
以待後之有志奮興者示以老成傳聞無言載籍  
代相傳述不與悠悠之世而俱泯焉是則簡今日

之深望也是序

廷鼎簡文氏識

乾隆甲辰源流總序

我族譚氏始黃帝軒轅生昌意及少昊意娶蜀山氏女生顓頊及帝嚳顓頊佑啟我後也迨至伯益舜命掌火身任虞衡有功山澤賜以嬴姓厥後中潏居西戎以保西垂六世孫大潏生成及非子周孝王時封非子附庸秦功封成項元侯都金陵之區遞五世至周幽王之時犬戎爲亂滅成之國平王東遷成枝元孫子於爲王前驅王以有功進封

譚公娶於姜氏濟侯之子東宮之妹衛侯之媵國  
兗州濟南山東倚及譚子齊小白出奔過譚不禮  
魯莊九年管仲輔桓伐譚七子奔莒後以爲姓周  
襄王朝譚伯爲王大夫曾作大東詩食采東都係  
兗豫境內卽河南宏農後宗其隤秦晉靡不多賢  
難以枚舉南北豈無豪傑不可勝言漢三國有譚  
雄爲吳上將法工騎射唐譚峭字景昇聰涉文史  
遊金南得仙譚紫霄居泉州寓廬山棲隱洞有道  
術百唐王寵之出入金門宋譚侗居紹興博通經  
史三子皇佑進士譚粹朝議大夫譚銑朝請大夫

譚拚中獻大夫時人榮之稱爲三仕譚昭寶字珍  
清聰明蓋世七歲應童子科中上第名播書馨譚  
興紹興四年旱禱得雨請賑歲饑民感德立祠號  
曰古譚七惟寅字子欽一記不忘官獻長嘗夜入  
祥符寺炳燭不至摸碑文誦之一字不差凡此支  
分派別皆由一本同源自唐建中初我祖 國器  
公由河南仕西昌官巡司參理軍務事二世本立  
公遂以官籍留家卜居早禾市三世仁京公唐貞  
元四年仕朝奉大夫元和四年詔進金紫光祿大  
夫官籍吉安府六和縣之千秋鄉早禾市居焉四



世曰格曰彬一潢州府主一平康府主五世寶宦  
安定宣甯寵實寬容威濟清要引隆揭美六世曰  
鐸七世處堯衣冠濟濟衍及八世德厚公任南康  
令九世福緣公後唐同光二年仕知閣郎官善治  
閩賜紫金魚袋卒葬龍泉三富雙窰坪百家嗣養  
禮公十二監丞仕雩賜遂居澄江次子養性公十  
三僉判擇邑之城西魚池港西昌至此十一世矣  
又後譚冀公宋天聖八年勅命殿中侍御繇公制  
公序公喬公蟬聯鵠立穎出連璧宋皇佑元年繇  
公以明經登進士五年出宰太庾以理聽訟以德



領鄉薦教授鄉路學注敬立敬明敬章敬心而  
敬立公又生譚子愚子魯鄉先生陳子碩以魯公  
經明行修著名當時升薦之司魏於黃石郡復丞  
駙辰州暨老績上天官斯時

皇上舉賢求治不次選用親擢中府斷事制公之  
後譚魏以易取魁生汝梅汝楫並顯烈職序喬之  
後譚兼華紹興四年歷官大司府制史治有異績  
詔褒贈之子篤義義生應申應雷登淳佑丙午科  
應申任寶慶路學應雷中鄉魁通判澧州雷生譚  
聖傳與從弟益龍慕山水之勝徙雲亭儒源村居

之家富地腴得耕種之樂其間遷於五一譚源徙  
於廬陵五雲上而萬恤公又開廬陵永福鄉譚橫  
居於衡州清水茶陵咸同一本源實僉判流裔也  
益龍之子居中居敬居安安生子銘奇俊通明應  
鄉舉考試之日文成將投卷同試之士吉甫問所  
出題經旨悉以告之迨徹棘吉甫中首選銘公次  
用與焉歸老於家不復卽仕志居中生子章子與  
子光光主簿淄州改萊州司獄鹽城令晟龍公典  
史沂黃子永年睿宗大都生若鳳若驥七以賢能  
舉任知事淮海循知州崑山場瓜都漕運司副令

擢任平陽府太守譚氏之隆盛自宋以後或以名  
行稱或以科第或以忠節著固明且備自唐以  
前稽之載籍考之勳業誠爲其錄不謬其間近畱  
遠遷者世不乏人人不盡述二十四世迄 運申  
公字平事之子 諱 學林字明章者由宋咸熙間拔  
舉任湖廣長沙之文林郎令其年尙富買吉穴於  
長郡之屬邑丁父服歸挈其子一郎二郎五郎七  
郎八郎九郎并媳舉家而遷焉初任湘安界之金  
鈴山次遷朱梅東灣三遷常安鄉扶勝瓦子坪此  
譚氏中世第一代祖也其二郎派衍瀏陽五郎派

衍邵陽七郎派衍新化苗田九郎派衍新化龍源  
近畱安化者惟八郎公一支派衍常安二甲七甲  
九甲湘鄉洞衝列爲四大房戶子孫繁衍儒業馨  
香類多文人賢士代有仕宦紳衿前後支分派別  
固難悉數而一本始末源流須當詳考族中譜帙  
歷代纂修宋元明來序自名公如宋端元年甲午  
狀元則有左丞相金陵吳潛贈西昌序淳佑八年  
丁未則有翰林侍讀中州張淵徵贈城西序元至  
正十二年則有江西御史蕭泰登贈序明洪武元  
年丙辰則有廣原元帥所照磨廬陵王子讓贈序

其中皆有記載前後各有詳畧明成化間譚必

璉公任雲南臨安府新安州教諭署理州事譚永

旺公明贈壽官譚庭瓊明贈義官譚世楫字斗元

任四川城都府千總皆有志纂修未逮本朝

大清乾隆癸卯族首廷鼎廷晷士轅等糾督閭族

集譜此時林遵先父廷獻九思大人之遺命在

外訓課暇因覽諸在史考諸典故博觀人物源流

并閱姓氏箋釋得其綫綫相承源源共貫彙其舊

序合纂編集以示來茲世世守之後之覽者願閱

是篇共諒予心可也是爲序

嗣孫士林維翰敬纂

乾隆甲辰聯屬序

我族共祖學林學林以前由金陵官河南由河南籍西昌簪纓世第學林以後自湘鄉底邵邑從邵邑轉湘鄉星居多所維翰兄已詳述余不贅焉至

學林之子五郎公五郎之子仲民仲倫仲立倫卽我族之祖也倫之後志盛一派衍於茶陵列在縉紳者旣多而我志榮派衍湘鄉厯居三埠橋板山等處戶分兩遠相隔十有余里煙火相連近則



有洞衝龍衝七星橋類皆人烟稠密難以指數遠則有藍田瀏陽益陽星沙譚家園邵邑隆回六都土名長鄆並半邊停及隔省之西蜀長安煙火百千羣相連絡又本縣大陽鄉土名大范溪創建祖業戶口繁盛凡此皆我族之一支也來自邵邑始於湘鄉是學林爲公共之老祖而五郎則我支所傳之少祖也若夫龍源之與潮水鋪蘇溪之與樂安衝巨口之與草鞋坡並脾窠類下村茅田砂坪瓦子場牛欄山等處相傳爲各卽之流裔譜尙未聯不敢肆記而我宗之疏註斷非妄憶舊牒

朗存更屬詳悉節固不敏建祠後卽欲續修恆存  
素願有志未成茲值族叔簡文效尼兄岐山等詣  
舍以續編家乘謫不忘一本來書小引余先年從  
兄維翰先生藏修受業道試後聞有此舉與叔遵  
文輝友兄耀彩光耀毓文令則太和在學作書山  
嶽位山玉書兼善九河萬選姪世澤兄再書姪孫  
壽山等開牘諷誦俱躍然曰此光前裕後也爰大  
集以聯成遂協志而同心上承往緒下啓來茲庶  
無岐支別派得以亂宗追遡本源皎如星日豈不  
美哉原敍鄙語爰刊譜首以備後之觀者焉

嗣孫士節中和氏謹撰



祖上歷傳班次

嘗思物本天咸戴生成之德人本祖實蒙燕翼之恩我族脈祖國器公傳二十一派昇瀧公爲一派誠以序者序也昭穆序長幼序尊卑大小序遠近親疏無不序者也乾隆初修其宗廟薦其時食以昇瀧公遞十六派興富公爲太宗以興富六子應祖應宗應試應科應魁應明開派六大房爲小宗迄今枝繁葉茂星羅碁布前後源流按之金石世世相承固莫之或易者茲卽舊譜派系畧紀貫串連絡盡善後之覽者尙其深連理之

愛篤雍睦之誼謹以派系歌及名號之說列後  
人生名號最關切要務擇字音响亮字義吉祥父  
母所命曰名自所取曰號故諱名不諱號者名所  
獨也如族中名號通同者以小避大以卑避尊以  
生避死已故者不論至於帝天君皇等字各遵例  
避以昭  
功令

祖上歷傳南楚派系歌

昇文紹運學

景仲志印青

聞永必思祖

興應國朝廷

士世千年盛 宗基萬代甯

承先書有益 啟後德惟馨

甲第登天府 洪休顯列星

崇仁新大壽 富貴享遐齡

乾隆甲辰續譜小引

蓋聞國有史而家有譜史紀一朝之事業譜序歷派之源流非若史之可以闕其文也故葱嶺蓮河連屬尤及異派而水源木本敦篤切重同枝我族脈祖國器公自唐迄今代遠人繁雖舊有勅譜記

載尙缺其半而增華踵美務新厥式編續當備其  
全業以時興統因人繼 公原任唐建中西昌巡  
司參理軍務遞傳諱 學林公字明章明章以前  
由金陵官河南從河南籍西昌章公於宋咸熙間  
拔任湖廣長沙之文林郎令解組官籍落業卜居  
金陵此中世第一代祖也配劉氏生六子第五子  
五郎景河公生仲民仲倫仲倫一派衍茶陵一派  
衍湘鄉中間屢徙不敢謬詳前後列鄉科登賢書  
籍宦官代不乏人載在譜籍班班可考迨世變蹂  
躪人丁散處回戶者十之一二其居他鄉外縣卽

以始遷其地者爲祖及明而我族祖興富公自邵邑徙湘鄉戶口頗盛俱各有上追先人之志今幸我朝

聖天子萬壽無疆澤洽黎庶轅等爰率族眾尋其遺緒訪其舊聞沐先人遺澤共展孝思閤族修編以圖上敬祖宗下敘倫常世世子孫昭穆不紊但恐四方遠族先達陷於不知特此豫告凡我宗支咸思水木親還原籍克紹光前將一脈男女名號生沒葬向墓圖基址開載成冊送地名三埠橋祠側王修簡文家彙刊成譜竣後家給尙期共襄



一 族言上三行方言  
厥美則上承禋祀下啓書馨而後嗣亦各不忘所  
自云爾  
嗣孫士轅岐山氏敬撰

乾隆甲辰修譜凡例

一 修譜以正名分名分莫嚴於主僕倘族內拔家僕  
爲子者查出罪在房長其人仍逐不收

一 譜以清源流凡我族有隨母出外者雖貧賤必要  
收回族有隨母而來者卽歷久不得收入

一 譜以重宗祀興滅繼絕先王所以補造化之不及  
也倘有乏嗣者則取本支以繼之無可取則取旁  
支立例立愛無拘不書某子某撫以示親生也獨

子長子不許出爲人後異姓不得亂宗

一譜以繼往凡祖宗生居卒墓必要註明倘有失傳者不得妄記以滋爭端

一譜以垂訓凡前人有嘉言懿行及墓誌碑銘必備載譜內以示後人

一譜以核實而垂訓非踵事而增華使臚列詩詞歌賦及山水名圖非不雅觀於家政無與今概刪去

一各房世系底冊議各房房長收送倘有遺漏舛錯是各房房長開載不清與纂修無涉

一譜既成閭族止印公譜一冊照依戶首輪流交卸

交收不得遺漏毀壞外有自備紙費亦必眼同當  
印與否以杜別派濫取

乾隆甲辰族譜規條

舊譜家規訓戒等凡五十條皆格言當遵奈後人  
目爲故紙殊屬可慨今配時務之宜急者立十餘  
條合族鑒定以便遵行但往者不追不得授以爲  
例

一明世系

譜所以清世系修之極難或數十年一修甚至百  
餘年而未修者亦有因世遠族繁久漸難稽卽今

距康熙庚寅僅六十年耳儘費考查自今以往每房各給一簿或有生卒聘娶各報房長卽登入簿每歲清明彙冊以交戶首戶首又登總簿五年已滿令善書者仍從長房起編錄一冊毆蘇隨便但要支派明白約族人祠校對庶世系常以爲後代修譜之便

一 敦孝弟

孝弟爲仁之本不孝不弟不可以爲人子爲人弟且不可以爲人矣然推孝弟之則堯舜之量亦無以加耳凡我族人當思我之身實父母之身則自

然知所以孝兄弟之身亦父母之身則自然知所以弟倘有犯上作亂之事其父母自行投訴者卽據父母之言論輕重究治願爲子弟者各加警惕焉可也

一篤宗族

宗族雖有親疎之殊然源其始則皆出於一本豈可秦越視之而漠相關乎務宜患難相顧守望相助婚喪相爲慶是非相爲排解毋以富欺貧以貴驕賤以衆暴寡庶一族睦而外侮無由加矣

二序昭穆

凡昭穆不分者皆由譜牒失紀耳而吾族之譜昭與昭並穆與穆列則見其位而知昭穆也世數俱遵老譜以長公爲始祖則通其位以知昭穆也遵依前輩編定班次則聞其名以知昭穆也故凡祭祀宴飲序立班次雖親盡服窮長幼懸殊位分不容稍越庶卑不抗尊無愧於禮讓之風矣

一 別男女

律有內亂係十惡不赦之條此固禽獸不如爲國法所必誅者然原其始亦由男女之無別耳故聖人制禮別嫌明微每嚴於男女如公父文伯之母

季康子之從祖也康子往焉闔門而與之言皆不  
踰闕仲尼聞之以爲別於男女之禮吾人當以此  
爲勸卽如一家之人男不入內女不出外叔嫂不  
通言不親授受親如姊妹不同席飲食狎如夫婦  
當相敬如賓庶有補於風化之萬一云

一 慎婚姻

婚姻乃人倫之始可不慎與非世俗之論財論勢  
查八字之說必察男女何如男女之父母何如門  
風家規又何如若閨門不正倫常乖舛切勿與之  
議婚至於同姓不婚周禮則然固不復論但旣門

楣相當憑媒訂聘遂無二願至若榮枯得失皆由  
天定倘一嫌愛背盟反致結好之心而結怨則見  
誚於鄉鄰戚族有何體面願我族人慎婚於始永  
結朱陳雖有小忿無廢懿親可也

一 謹立繼

子者所以承宗祧世所共願脫有不幸而乏嗣者  
宜遵 國典除冢子不得爲人後外於親屬兄弟  
之子拔尤而立亦聖賢所不諱或親屬中無則由  
親及疎但昭穆當序倘弟也而子之祖也而禰之  
斷不可也至若楚南陋俗多有撫異姓爲子者吾



族自四十九年以後倘有此者卽令離異歸宗斷不得入譜

一守先塋

夫先塋者祖宗之骸骨子孫之命脈可不守與不然烏在其爲子孫也宗支自幼體羸倦於登山年至三十竟有不知其處者至乾隆丁亥訪諸父老考之家藏凡我嫡派及有無嗣者皆立碑記究不足以償前辜以此勸人言之有愧但愿吾族各盡其孝每於清明必親祭掃倘有頽壤卽加撫砌近墳田地勿售外姓我祖有靈當錫爾以福矣

謹祭祀

禮有五經莫重於祭此而不謹如不祭矣人亦何樂有子孫乎吾族先世以九月二十五日係國器公生辰每年輪祭額定清明仍以國器公爲始祖以五郎景河配之但宗法久廢必請戶長主祭其時祭則取二八月中丁日各祭高祖以下必以宗子主祭有條規載在祭簿皆當謹遵務以誠敬爲主不可奉行故事卽至祭畢餽餘之時亦須肅靜或有是非理論另呈戶首族尊約期明辨不可祭日混擾違者公罰

一 珍譜牒

譜者祖宗正脈世代派系長幼名目居址墳墓胥此具焉且成非一日費非一緡經營奔走非一人可不珍與必作套以包之製廂以盛之若鼠若漏若虫若黴若水火盜賊皆當謹防每欲翻閱必先抹桌潔淨不可吃烟喫茶五年以後各負赴祠點驗倘有私鬻與人及毀壞論輕重責罰

一 遵家禮

吾族舊譜附刊家禮蓋欲子孫遵而行之也夫禮制自聖賢爲天地之常經固所當遵垂於家訓爲

高曾之規矩尤所必遵原於人情富貴貧賤各從其宜則又無不可遵今與族約凡冠婚喪祭請知禮者一二人按刻本家禮酌宜行之幸毋狃於習俗可也

一 關左道

左道不關聖教難明如勅符咒水祈福禳災設齋建醮超度資冥受籙剖盆迎神賽會扶鸞禱聖差猖打鬼體神降仙尋龍取水娘娘神痘拜香朝佛凡非聖人之教者皆爲左道也不惟枉費錢財而且悖理殊甚凡我族人皆當禁絕毋爲所惑焉可

也

一息爭訟

凡有田土不明等事，先鳴房長，值月力爲勸釋，勸釋不得，方鳴戶長約質理處，不得輒行告官，倘有強掘強搶衝拚毆詈等事，先論輕重責罰，後辨曲直，庶爭訟可息而族姓常睦矣。

一禁賭博

賭博乃牧豬奴戲，非正人君子之所爲。況一擲千金，竟所謂百年成之不足，一旦壞之有餘者也。本支於乾隆三十年曾約金門堂公立禁約，前至四

十八年辱究族首又以此條申之同族幸吾族醇厚家風皆革前非或有背地行者百中一二孥獲必究仍將禁約附刊於左以垂後啓

乾隆甲辰附戒賭博約

竊惟士農工商四民之外更無容身之地仁義禮智五常之中自有快足之天佚則必淫故遊民有罰求之有道而貪士當懲茲者俗尙澆漓人多賭博鷄鳴狗盜爲契友喝雉呼盧作生涯東蕩西遊名爲雪客南腔北調實屬狐羣廢業傾家流而忘反販名喪德恬不知羞高慷慨於一時不念祖宗

之創守欲僥倖於孤注豈顧妻子之啼號小則當  
褲當衣大則賣兒賣女論斯人之究竟乞食剝倉  
看此輩之結終拋屍露骨人謂國法之不畏我道  
家訓之未嚴爰立家規特申公議與其治之於既  
犯之後不若戒之於未萌之先若子若孫各宜教  
訓或兄或弟其相勤懲如敢故違公論固不容恕  
卽屬偶犯家法豈可從寬用執牛耳之盟願捐禽  
犢之愛此約

合族公立

明受姓

昔歐陽文忠公有言人而不知姓氏之所自出則渙若鳧雁矣通鑑外稽曰伏羲制嫁娶正姓氏以重人倫之本而民始不瀆說文曰天子因生賜姓故從生古者神女感天而生子故從女夏書曰錫土姓左傳曰因生賜姓胙土命氏又曰姓者生也以此爲祖令之相生雖下百世而此姓不改也族者屬也與其子孫共相聯屬其旁支別姓則各自爲氏史記註曰氏族古史官所紀也昔周小史定繫世辨昭穆古有世本錄黃帝以來至諸侯



卿大夫名號繼續秦既滅公候子孫失其世系因  
司馬遷父子乃約世本修史記因周譜明世家乃  
知其姓氏之所自出云 召伯公曰姓者百世不  
變氏者數世一變者也有以字爲氏者有以諡爲  
氏者有以封國爲氏者有以食邑爲氏者有以名  
爲氏者支分派別初若錯雜難考及徐而視之有  
綱有條猶指諸掌焉秦漢以來世守一氏傳千余  
年而不變可謂簡而易知矣然卒罕有能辨姓氏  
之源者蓋由譜牒之不講也我譚氏系出嬴姓受  
封于周胙之土派衍西昌而基分南楚源七本七

遞十六傳而我族 興富公自明于寶龜而徒星  
沙上湘三埠橋板山黃才等處祠祀千秋蕃衍百  
世云爾

錄宗法

族譜者古宗法遺制也欲明譜學尤以宗法爲先  
按禮大傳曰同姓從宗合族屬異姓主盟治祭會  
名著而男女有別 又曰別子爲祖繼別爲宗繼  
禰者爲小宗有百世不遷之宗有五世則遷之宗  
百世之遷者別子之後也宗其繼別子者百世不  
遷也宗其繼高祖者五世則遷者也 表服小記

曰祖遷于上宗易于下尊祖故敬宗敬宗所以重  
祖禰也 又曰親親以三爲五以五爲九上殺下  
殺旁殺而親畢矣 袁坤儀曰大宗維一小宗則  
四有大宗以統之則人同知宗祖有小宗以統之  
則人各知敬禰程子所謂管攝人心收宗族厚風  
俗使之不忘者此其爲法最美者是也竊謂人宜  
各有譜牒定其世系以始遷及初有封爵仕宦起  
家者爲始祖以準古之別子又以繼世之長子準  
古之繼別者世世相承以爲大宗統族人主祭祀  
以次遞分爲繼高祖繼曾祖繼祖繼禰爲小宗使

